

TODESANZEIGE RUTH SCHNEIDER

Zum Abschied vo üsere Mitbewohnerin

Ruth Schneider

63 Jahr bisch du im Rütibüehl dihei gsi.

Am 26. Oktober am früene Morge bisch du, fascht 85gi,
ruig und sanft für immer igschlofe.

Mir werded dich vermisse:

Dini Freud am Morge wenn mir sind cho schaffe.

Wie du ufblüeht bisch wenn du es Baby gseh häsch

Dini Begeisterig wenn du es Büsi oder en Hund gseh häsch, oder die Tierli
sogar häsch chöne streichle.

Wie du ufmerksam a Usflüg debi gsi bisch und dich über Bsuech gfreut häsch.

Liebi Ruth, mir danked dir für d Zyt wo mir mit dir händ dörfe ha. Und sicher werded
mir no ganz oft Erinnerung vo dir ustusche. Du bisch jetz «dihei bim dim Mammi» und
es goht dir guet.

Letschi liebi Grüess vo dinere Rütibüehlfamilie, allne Bewohnerin, Mitarbeiterinne
(mängsmol «böse Bueb»), vom Heimleiter, Vorstand und de Heimkommission.

Urnebisetzig ufem Friedhof Herrliberg am Dunschtig, 5. November 14.15 Uhr

